

國朝湖州詞錄
渚山堂詞話

全 二

欽平舫

如夢

PDG

國朝湖州詞錄卷四

歸安朱祖謀輯

董恪

字景僑一字鏡芙道光二年舉人官安徽六安州
州同有金粟山房詞

風入松題汪謝城荔牆詞

霄梁塵夢幾人醒風雨一燈青舊時多少雕梁燕問誰
知潭水深情盼得孝廉船到可憐蕭瑟平生庾郎憔悴
不言貧籬菊傲霜清冷香飛上吟牋翠風流處還勝
看卿紅杏他年春鬧雙鬢拍徧旗亭

徐金鏡

字以人一字芸峴武康人道光二年舉人有山滿

樓詞

蘇幕遮

燕期違鶯約阻酒醒香殘冷了珍珠柱萬屐聲中春老
去一點楊花一紙消魂據夢如塵塵似雨化作離愁
灑向天涯去百種相思無著處一角紅牆一道來時路
採春慢仲子湘東湖餞春圖

畫舫臨波垂楊拂檻樓臺多少煙雨正是江南芳菲時
節漸被鶯聲吹暮流水長隄外更目斷征帆歸路曉風
吹送離愁天涯無數飛絮未肯和春留住又一晌春
歸人隨春去曲岸題襟旗亭倚棹畫裏韶光如故前度

吟魂在還認得沙邊鷗鷺回首斜陽消魂長在南浦

齊天樂秋禽

海天霜信迎秋早飛飛亂禽相聚落葉疏林呼羣上下
吹老秋風無數哀鳴寄侶看結陣爭棲忍寒衝霧冷淡
斜陽照他來往向沙渚人閒羅網多少怪驚弦避色
憔悴毛羽碧海青山翱翔倦也幾度漂搖歸路營巢太
苦更叢薄清寒稻梁何處又是天涯片帆風景暮

天香龍涎香

瑤島傾珠驪宮鼓棹珊枝碎碾雲片碧潤濤痕煙凝心
字縷縷結成清篆鑪灰細撥正一晌紅窗月滿簾幕餘
段不散風飄繡屏春暖當年畫樓夢好啓熏籠玉纖

頻換轉瞬翠鈿零落鏡匣塵暗衣上餘芬猶在歎荀令
而今鎮腸斷燼冷深宵愁來萬轉

青玉案

無端添得愁如許儘攪碎心千縷待向伊前多說與見
伊憔悴怕伊淒楚不敢從頭訴 十旬留滯江干路夢
裏尋伊總無據料得伊心如我苦畫簾香月瑣窗風絮
離恨平分取

洞仙歌武昌郡南門外鮎魚套古鸚鵡洲也正平祠墓
在其上由來久矣自前漢陽守裴公修郡志時
毅然以東門外荒洲當之數十年來遂沿誤成
俗戊戌閏四月蔣村丈導遊古鸚鵡寺拜禰公

祠觀明人舊碑爲述本末倚此正之

文章太守漫耽奇成癖移去嘉名一江隔怪平沙淺渚
寂寞荒郊誰與證往日圖經傳刻閒尋來此地斷碣
依然獨有前朝舊遺蹟古墓易沈湮三十年來問沿誤
幾人能識但認取洲邊禰公祠笑安石新墩不須爭得
鳳凰臺上憶吹簫

鏡影容消帶痕圍減天涯心事誰論看海棠開謝閒過
芳春生悔無端輕別相思夢難認重門當時語征帆未
放預計歸艫江津幾回眺望煙柳萬千絲隔斷行雲
記晚風樓閣同對冰輪鴛帳金鑪濃麝人去後誰與重
熏愁無奈何時教他信我消魂

西江月

雨意暗攬嵐氣蕪煙碧蘸波文羅衣還潤舊時痕金斗
更添香印 憑袖玉闌留暖枕屏山翠堆雲遲花猶帶
一分春鶯語畫簾紅陣

戴坤元

字芝山德清人縣學生

水龍吟蘆花

回頭一望蒼茫扁舟棹入煙波裏纔看似雪還疑似絮
隨風颭起渺渺伊人中央宛在相思未已歎飄零客路
丹楓紅映斜陽外連天水 猶憶錢江夜泊聽颼颼暮
潮來矣良宵露重長空雲淨孤篷正艤誰抱琵琶四絃

嘈雜暗彈秋淚怕燈殘夢醒半牀寒逼擁漁家被

沈琛晉

字錫田歸安人縣學生

陌上花戊寅下第後作

傳來一紙魂消頃刻秋風過了舊侶新儔半屬蘭臺蓬
島升沈異數如斯也漫許淩雲才藻憶挑燈昨夜並頭
紅藥賺人不少愧年來漸江淹才退五度青衫淚繞
桂馥年年只恐嫦娥易老清歌一曲憑誰訴惹得高堂
煩惱夢初回窗外芭蕉夜夜雨聲到曉

朱步沆

字沁泉長興人貢生官訓導

瑣窗寒寒閨病趣圖爲湯德媛女士題

雪綴疏林風淒曲院畫檐虛靜零脂賸粉換了藥囊茶
鼎炷薰鑪雙飄篆雲轉因小極塵根淨但翠帷半捲依
依相對玉梅嬌影芳徑煙霏暝又幾日不來屐痕苔
凝擁髻沈吟未減年時風韻證三生天遠四禪綺年錦
瑟還暗省倩檀奴檢點神方好駐璇閨景

蔡廷弼

字調夫德清人貢生官蘭溪縣訓導有太虛齋詞
更漏子促織

殘月底殘更裏唧唧如鳴得意纔罷軋又鳴梭奈他愁
緒多荒草亂柔絲絆聽得聲來枕畔風淅淅夜迢迢

有人魂欲消

滿江紅春柳

淺淺眉痕似眠起含顰欲絕看柔腰瘦餘一搦欲舒還
怯已是章臺空寄恨那禁灞岸重傷別只依依不改舊
時情休輕撇春山淡春愁結春水漫春流活早昏鴉
去後新鶯啼徹有美樓頭凝遠睇更誰坊角尋遺迹念
樹猶如此我何堪增悽咽

高錫蕃

字畫三一字已生歸安人道光十七年舉人官甯

海縣教諭

木蘭花慢題榆樓感舊圖

言四
渺清溪何處歎逝者水迢迢恁過眼韶華春來如線春
去如潮河橋那時惜別黯無言上卻木蘭橈尙擬重逢
話雨怎知紅燭難燒飄飄垂柳萬千條情緒更蕭寥
有吟侶愴懷素琴絃絕濁酒杯澆山腰白雲飛起故人
心寫不了生綃試譜招魂一曲月華伴我吹簫

滿庭芳同人集余海棠吟館限調賦秋海棠

弱質煙敲香心粉殫一簾秋翠幢幢嬋娟幽怨獨處未
成雙吹過幾番暮雨唾脂痕不上紗窗苔階伫淚珠如
水和夢到湘江琤琮還聽取佩聲來也訴出愁腔正
寒蛩露咽瘦蝶風降記否濃妝沈睡照夜深高剔明釭
春歸後爲君腸斷空酌酒盈缸

姚椿

字魯亭烏程人

齊天樂與秋穀別半載矣翦燈憶舊根觸離懷來書索
題詞集率拈此解寄應他日同泛畫溪以償夙
約正得攜是編向流水聲中倩雙鬟子按拍也
日湖自昔傳漁唱新聲雅堪追步合配香燒還憑錦織
絕妙樂章琴趣瓊簫共譜向霧閣雲窗渺同花語憶爾
西泠幾回愁聽豆棚雨溪光真似罨畫記頻番載酒
停了輕艫翠篠成叢朱藤結蔓認取詞仙村塢頭銜未
許笑將著朝衫漫稱漁父柁後高歌暫盟鷗鷺侶

陳彰

字東野烏程人

臨江仙題畫溪漁唱詞

競比金莖蘭畹句吾家驥子風流吟聲縷縷盪妝樓玉
蕭工弄月錦瑟慣彈秋溪水何嘗輸井水憑君聽徧
吳謳幾番清夢喚眠鷗按來花下譜撐出柳邊舟

鈕福疇

字西農烏程人道光十七年拔貢生官安徽舒城
縣知縣有亦有秋齋詞

惜紅衣四水亭看荷和戴銅士

四壁花香半灣曉月滿亭空碧亭在中央清涼占鷗國
真妃去後空牘卻香羅衫色岑寂三十六陂悵無人消

得 瀾回水柵孤鶩翹波雲生翠簾溼江湖酒債點點
認衣摺不見闌紅單舸可惜粉痕狼藉但就煙尋夢閒
殺石翁詞筆

喝火令餞春

不繫餘春住空教柳線垂東風翦翦水差差盪得波紋
皺了花鴨未曾知 倚徧闌干曲心情逐漸非落花徧
上酒人衣怪殺年年總有落花時怪殺落花時節總是
雨絲絲

驀山溪皖城寓館書懷寄王瘦梅學博

閒庭似水天許人疏懶鎮日下重簾知簾外春深春淺
雙雙粉蝶飛撲小紅樓銀蒜影玉鉤聲多少零星怨

香泥冷落一路如酥軟燕子不銜來怎禁得遊驄作踐
陰晴無定猜破幾番來風裏絮雨中花都在傷春眼

又

濛濛碧霧吹墮紗窗外幾陣落花風扶不起收香倒挂
惱人春色春也受人憐看弱絮作浮萍等是無根蒂
如塵好夢恐被微雲礙一院晝愔愔又隔了幾重新黛
雨昏煙曉到眼未分明搖落感別離情怎受鑪香戒

虞美人

阿儂生小江干住尙說春無主喬家姊妹是鄉親嫁了
英雄真箇薄情人 簸錢年紀憨憨態無語拈羅帶博
山冷了水沈香輕撥鑪灰顛倒畫鴛鴦

又

溶溶院落梨雲鎖，襯貼嫣紅，妥懶拈金線。晝初慵偷誦
唐詩口唾繡餘絨。冷金小扇湘筠綠，索寫新填曲。花
陰筆硯已先安，香隔一重簾子，一重闌。

賀新郎題內子王雲華白嶽采芝圖。白嶽在海陽城西，
爲新安名勝，與歙之黃山齊名，有桃源洞天相
傳，爲邈邈仙飛昇處。

爲覓長生訣，問名山、洞天第幾。紅霞一抹，曾記仙人騎
白鶴，飛入松濤萬疊。有百歲青猿能說翠，佩銖衣人縹
渺。上瑤壇，不響芙蓉屨，濃黛染露華浥。雲天雲海，排
銀闕，看珊珊飛瓊下。拜雙成，參謁聞說斑龍剛睡熟，摘

得靈芝九葉知不要金丹換骨付與妝臺清供好想仙
裙吹皺應留裙香一路撲黃雪

買陂唐望龍眠山懷李伯時

亙天邊臥龍蟠繞點睛疑欲飛去撲來煙翠濛濛遠吹
落幾層香霧憑記取記古絹丹青認不分明處高情漫
與有三尺紅藤應防繭足濟勝苦無具 於中好草草
松窗竹戶山莊花鳥誰主林泉清福非初願竟被畫師
名誤還細數算一代風騷只許蘇黃侶郵筒贈句想皴
法雲摹詩情擇掃涉筆自成趣

陳長孺

字伯章一字秋穀歸安人道光十七年拔貢生有